

ფონდი „ლია საზოგადოება – საქართველო“

თბილისი, 2016 წლის ოქტომბერი



Kingdom of the Netherlands

პუბლიკაცია მომზადებულია პროექტის „ევროკავშირ-საქართველოს შორის ასოცირების შესახებ შეთანხმების განხორციელების მონიტორინგი საზოგადოებრივი ორგანიზაციების კოალიციის მიერ“ ფარგლებში. პროექტი დაფინანსებულია საქართველოში ნიდერლანდების სამეფოს საელჩოს მიერ. დოკუმენტში წარმოდგენილი მოსაზრებები შესაძლოა, არ გამოხატავდეს საქართველოში ნიდერლანდების სამეფოს საელჩოს პოზიციას.

ავტორები:

მურმან მარგველაშვილი*

გიორგი მუხუგულიშვილი**

არასამთავრობო ორგანიზაცია

„მსოფლიო გამოცდილება“

საქართველოსთვის“ სახელით

რეცენზენტი:

კორნელი კაკაჩია

თარგმანი:

ანა გეგეჭკორი



OPEN SOCIETY GEORGIA FOUNDATION
ფონდი ლია საზოგადოება საქართველო

წინამდებარე პოლიტიკის დოკუმენტი მოიცავს პერიოდს 2015 წლის ოქტომბრიდან 2016 წლის ოქტომბრამდე

დოკუმენტი მომზადებულია ფონდ „ლია საზოგადოება – საქართველო“ შიდა პროექტის ფარგლებში „ევროკავშირ-საქართველოს შორის ასოცირების შესახებ შეთანხმების განხორციელების მონიტორინგი საზოგადოებრივი ორგანიზაციების კოალიციის მიერ“. ტექსტისა და კომენტარების ავტორის მიერ გამოხატული შეხედულებები, მოსაზრებები და განაცხადები მხოლოდ მას ეკუთვნის და არ გამოხატავს ფონდ „ლია საზოგადოება – საქართველო“ მოსაზრებებს. შესაბამისად, ფონდი „ლია საზოგადოება – საქართველო“ მასალის შინაარსზე პასუხს არ აგებს.

* მსოფლიო გამოცდილება საქართველოსთვის (WEG) დირექტორი, ილიას სახელმწიფო უნივერსიტეტის პროფესორი, კონსულტანტი ენერჯეტიკის საკითხებში. მისი კვლევის ინტერესები მოიცავს ენერჯეტიკის და მდგრადი განვითარების პოლიტიკის ანალიზს, განათლებას, ასევე სამოქალაქო აქტივობას საქართველოს ევროკავშირთან დაახლოების მიმართულებით.

** მსოფლიო გამოცდილება საქართველოსთვის (WEG) მკვლევარი, ილიას სახელმწიფო უნივერსიტეტის ლექტორი, UNFCCC-ის მკვლევარი კლიმატის ცვლილების საკითხებში. გიორგის კვლევის ინტერესები მოიცავს ენერჯეტიკული უსაფრთხოებისა და მდგრადი განვითარების პოლიტიკის ანალიზს.

საქართველოს ენერჯეტიკის სექტორში სუბსიდირების გამჭვირვალობის და ეფექტიანობის უზრუნველყოფა: რეფორმების გეგმა

პოლიტიკის დოკუმენტი

რეზიუმე

სუბსიდირების გამჭვირვალობის უზრუნველყოფა ევროკავშირისა და საქართველოს შორის გაფორმებული ასოცირების შესახებ შეთანხმების 206-ე მუხლის ძირითად მოთხოვნას წარმოადგენს. ენერჯეტიკის სფეროში სუბსიდირებული ტარიფები (ელექტროენერჯის და გაზის) იწვევს ენერგოპროდუქტების არაეფექტიან გამოყენებას და აფერხებს ენერგოეფექტური ტექნოლოგიების განვითარებას. საქართველოში ელექტროენერჯის და გაზის მასშტაბური სუბსიდირება ხდება, რის შედეგადაც ქვეყანა ერთ სულზე 2-3-ჯერ მეტ ენერჯიას მოიხმარს, ვიდრე ევროკავშირის ქვეყნები, და იზრდება მისი დამოკიდებულება ენერჯიის იმპორტზე. საჭიროა საქართველოს ენერჯეტიკის სფეროში სუბსიდირების გადახედვა, რათა გაიზარდოს მათი ეფექტიანობა.

ენერჯეტიკის სექტორში სუბსიდირების სქემებს საქართველოს ენერჯეტიკის სამინისტრო განსაზღვრავს, თუმცა არ ხდება ანგარიშგება მათი მოცულობისა და ეფექტიანობის შესახებ. გამჭვირვალობის არარსებობის გამო არასამთავრობო სექტორისთვის ძნელია ქვეყნის ენერჯეტიკაში სუბსიდირების სქემების იდენტიფიცირება და ანალიზი.

სუბსიდიების ახლახანს ჩატარებული ინვენტარიზაციის¹ შედეგად საქართველოში დადგინდა წლიური 500 მილიონ ლარზე მეტი მოცულობის სუბსიდიები ენერჯეტიკის სფეროში, რაც დეტალურ შესწავლას და პოტენციურ ეტაპობრივ შემცირებას საჭიროებს. ზოგიერთი ამ სუბსიდიის შესახებ საჯარო დანებსებულებებმა მოახდინეს ანგარიშგება, ხოლო მთელი რიგი ფარული სუბსიდიების კონტროლი საზოგადოების მხრიდან არ ხდება. ენერჯეტიკული სუბსიდიების დაანგარიშებული მოცულობა სახელმწიფო ბიუჯეტის ხარჯების დაახლოებით 6%-ს შეადგენს. ამაში არ შედის ჰიდროელექტროენერჯის დეველოპერებისთვის გაცემული სახელმწიფო გარანტიები, რომელთა მოცულობა დაახლოებით 3 მილიარდი აშშ დოლარია.

იმისათვის, რომ საქართველოში უზრუნველყოფილი იქნეს ენერჯეტიკის სფეროში სუბსიდიების გამჭვირვალობა და ეფექტიანობა, ხელისუფლებამ უნდა უზრუნველყოს ენერჯეტიკისა და ფინანსური ნაკადების შესახებ ინფორმაციის გამჭვირვალობა სუბსიდიების არსებული სქემების იდენტიფიცირების მიზნით; ჩაატაროს სუბსიდიების თითოეული სქემის უფრო ღრმა შესწავლა; გააანალიზოს სუბსიდიების შედეგები გამიზნულ ბენეფიციარებთან მიმართებაში; მოახდინოს სხვა (არა გამიზნული) ბენეფიციარების და უყარათოდ დახარჯული საზოგადოებრივი სიკეთის მოცულობის იდენტიფიცირება.

არაეფექტიანი სუბსიდიების აღმოფხვრის მიზნით საჭიროა: ყოველმხრივ მონაცემებზე დაფუძნებული შეფასების განხორციელება; საინფორმაციო-განმარტებითი მუშაობის ჩატარება კანონშემოქმედთა და სამოქალაქო საზოგადოების ინფორმირებულობის დონის ასამაღლებლად; სათანადო რეკომენდაციების შემუშავება და ლობირება ყველაზე არაეფექტიანი ენერჯეტიკული სუბსიდიების გაუქმების მიზნით.

აღნიშნული პროცესი რაც შეიძლება სწრაფად უნდა დაიწყოს და სამოქალაქო საზოგადოებას გადამწყვეტი როლი ენიჭება ენერჯეტიკული სუბსიდიების გამჭვირვალობის და ნეგატიური ეფექტების აღმოფხვრის უზრუნველყოფის საქმეში.

შესავალი

სუბსიდიების გამჭვირვალობის ხელშეწყობა ევროკავშირსა და საქართველოს შორის გაფორმებული ასოციირების შესახებ შეთანხმების მნიშვნელოვან მოთხოვნას წარმოადგენს. 206-ე² მუხლის თანახმად, საქართველომ ორ წელიწადში ერთხელ უნდა წარმოადგინოს ანგარიში სუბსიდიების ფორმის, მოცულობის ან ბიუჯეტის შესახებ და, როდესაც შესაძლებელია, მთავრობის ან სხვა საჯარო ორგანოების მიერ დანიშნული სუბსიდიების მიმღებების შესახებ. ანგარიში უნდა გამოქვეყნდეს საჯარო ვებგვერდზე.

ზოგადად, ცუდად დაგეგმილ სუბსიდიებს ბაზრისთვის ზიანის მიყენება და სახელმწიფო სახსრების არაეფექტიანი ხარჯვა შეუძლია გამოიწვიოს. კერძოდ, ენერჯეტიკის სფეროში სუბსიდიები წახალისებს ენერჯის უყარათოდ მოხმარებას, იწვევს მეტ ენერგოდამოკიდებულებას და ძირს უთხრის გა-

¹ „ენერჯეტიკული სუბსიდიების ინვენტარიზაცია ევროკავშირის აღმოსავლეთ პარტნიორობის წევრ ქვეყნებში“, საქართველო, 2016, ეკონომიკური თანამშრომლობისა და განვითარების ორგანიზაცია.

² ასოციირების შესახებ შეთანხმება ევროკავშირსა და ევროპის ატომური ენერჯის გაერთიანებას და მათ წევრ სახელმწიფოებსა და საქართველოს შორის, მუხლი 206, სუბსიდიები <http://www.parliament.ge/uploads/other/34/34754.pdf>

ნახლებადი ენერჯის და ენერგოეფექტური ტექნოლოგიების განვითარებას, ამასთან ერთად, შეიძლება გამოიწვიოს სათბურის გაზის ემისიის გაზრდა. ენერგეტიკული სუბსიდიები მნიშვნელოვან ტვირთად აწვება ქვეყნის ფინანსებს. გარდა ამისა, ენერგეტიკის სფეროში სუბსიდიები ეკონომიკურად ძლიერ ბენეფიციარებთან იყრის თავს და არა ღარიბებთან, რაც სოციალურ უთანასწორობას უწყობს ხელს.

ენერგეტიკული სუბსიდიები ბევრ ქვეყანაში შეადგენს მთლიანი სუბსიდიების მნიშვნელოვან ნაწილს³ და პოლიტიკური დებატების საგანს წარმოადგენს. საქართველოს შემთხვევაში ენერჯის (ელექტროენერჯის და გაზის) სუბსიდირებული ტარიფები ენერგოპროდუქტების ჭარბ მოხმარებას და ენერგოეფექტური ტექნოლოგიების განვითარების შეფერხებას იწვევს. ენერგეტიკის სფეროში სუბსიდიები ხელს უწყობს იმ ფაქტს, რომ ქვეყანა მოიხმარს ერთ სულზე 2-3-ჯერ მეტ ენერჯიას, ვიდრე ევროკავშირის ქვეყნების მოქალაქეები, და საქართველოს დამოკიდებულება ენერგომპორტზე ყოველწლიურად იზრდება.⁴ საქართველოში სათბურის გაზის ემისიის ნახევარზე მეტი (56%) ენერგოსექტორზე მოდის.⁵

აუცილებელია ქვეყნის ენერგეტიკის სფეროში სუბსიდიების ეფექტიანობის მონიტორინგი, რადგან სახელმწიფოს მხრიდან ჩარევა არღვევს თავისუფალი ბაზრის ნორმალურ ფუნქციონირებას და ამცირებს ეკონომიკურ ეფექტიანობას. ამავე დროს, სუბსიდიებს შეიძლება არ გააჩნდეს დეკლარირებული მიზნები, რაც ზედმეტ სახელმწიფო დანახარჯებს იწვევს არამიზნობრივი დაინტერესებული მხარეების სასარგებლოდ. ზოგიერთ შემთხვევაში ეს შეიძლება გახდეს დაინტერესებულ ჯგუფებთან გარიგების შედეგი.

არაეფექტიან სუბსიდიებზე დახარჯული თანხები შეიძლება მიმართული იყოს სოციალურად ორიენტირებულ ხარჯებზე, განათლებაზე, მეცნიერებაზე, ქვეყნის განვითარების და უსაფრთხოების საჭიროებებზე. სუბსიდიების სწორი განსაზღვრა და ეფექტიანობის ანალიზი პირველი ნაბიჯებია მათი ეფექტიანობის შეფასებისთვის და აუცილებლობის განსაზღვრისთვის.

საქართველოს ენერგეტიკის სამინისტრო პასუხისმგებელია ენერგეტიკის სექტორის სუბსიდიების სქემებზე, თუმცა არ არის წარმოდგენილი ანგარიშები გაცემული სუბსიდიების ან მათი ეფექტიანობის შესახებ. გამჭვირვალობის არარსებობა ართულებს არასამთავრობო ორგანიზაციებისთვის და ზოგადად საზოგადოებისთვის ენერგეტიკული სუბსიდირების სქემების იდენტიფიცირებას და ანალიზს.

მდგრადი განვითარების საერთაშორისო ინსტიტუტის და ორგანიზაციის „მსოფლიო გამოცდილება საქართველოსთვის“ (WEG) მიერ საქართველოში სუბსიდიების ახლახანს ჩატარებულმა ინვენტარიზაციამ⁶ გამოავლინა წლიურ 500 მილიონ ლარზე მეტი თანხა ენერგოსუბსიდიებზე, რომლებიც დეტალურად უნდა იქნეს შესწავლილი და ეტაპობრივად შემცირდეს. სახელმწიფო დანებსებულებებმა მხოლოდ ამ სუბსიდიების ნაწილთან დაკავშირებით მოახდინეს ანგარიშგება, ხოლო სხვა სუბსიდიები საზოგადოების ყურადღების მიღმა დარჩენილი. ამის შედეგია ის, რომ სახელმწიფო დანახარჯების პოტენციურად დიდი ოდენობა შეიძლება არასათანადოდ იყოს განაწილებული, რის შესახებაც საზოგადოებას არ გააჩნია ინფორმაცია.

³ საერთაშორისო ენერგეტიკული სააგენტოს (IEA) უახლესი კვლევები ცხადყოფს, რომ 2014 წელს მხოლოდ წიაღისეული ორგანული საწვავის მოხმარების სუბსიდიები მსოფლიო მასშტაბით 493 მილიარდ აშშ დოლარს უტოლდებოდა.

⁴ სუფთა ენერგომპორტზე საქართველოს დამოკიდებულება 2013 წელს 65%-ს შეადგენდა, ხოლო 2014 წელს 70%-ს, საქართველოს ენერგობალანსი, საქსტატი.

⁵ ეროვნული სათბურის გაზების ინვენტარიზაციის ანგარიში, 2010-2013.

⁶ ეკონომიკური თანამშრომლობისა და განვითარების ორგანიზაციის მხარდაჭერით მდგრადი განვითარების საერთაშორისო ინსტიტუტმა ორგანიზაციის „მსოფლიო გამოცდილება საქართველოსთვის“ (WEG) და „გლობალური სუბსიდიის ინიციატივის“ ექსპერტების მონაწილეობით ჩატარა საქართველოში 2015-2016 წლებში ენერგეტიკული სუბსიდიების პირველი ინვენტარიზაცია. ენერგეტიკული სუბსიდიების ინვენტარიზაცია ევროკავშირის აღმოსავლეთ პარტნიორობის ნევერ ქვეყნებში“, საქართველო, 2016, ეკონომიკური თანამშრომლობისა და განვითარების ორგანიზაცია.

ენერგოსუბსიდიების ფორმა საქართველოში

სუბსიდიების სწორად განსაზღვრა პირველი ნაბიჯია მათი იდენტიფიცირების და აღმოფხვრის გზაზე. საქართველო 2000 წელს შეუერთდა მსოფლიო სავაჭრო ორგანიზაციას და ხელი მოაწერა შეთანხმებას სუბსიდიების და საკომპენსაციო ზომების შესახებ (ASCM), რომელიც განსაზღვრავს სუბსიდიებს. შესაბამისად, აღნიშნული შეთანხმების საფუძველზე სუბსიდიების განმარტება სრულად მოქმედებს საქართველოსთვის. მსოფლიო სავაჭრო ორგანიზაციის განმარტების ყველა ძირითადი კომპონენტი გათვალისწინებული იქნა ეროვნულ კანონმდებლობაში.⁷

„თავისუფალი ვაჭრობისა და კონკურენციის შესახებ“ საქართველოს კანონით სუბსიდია განმარტებულია როგორც „სახელმწიფო დახმარება (სუბსიდია) - ეკონომიკური აგენტის მიმართ მიღებული ინდივიდუალური გადაწყვეტილება, რომელიც მოიცავს გადასახადისგან განთავისუფლებას, გადასახადის შემცირებას ან გადავადებას, ვალის ჩამოწმებას, რესტრუქტურისაციას, სესხის ხელსაყრელი პირობებით გაცემას, საოპერაციო აქტივების გადაცემას, ფულადი დახმარების განწევას, მოგების მიღების გარანტიას და სხვა ექსკლუზიური უფლებების მინიჭებას.“

ენერჯეტიკის სფეროში სუბსიდიების ახლახანს ჩატარებულმა ინვენტარიზაციამ⁸ გამოავლინა, რომ ამგვარ სუბსიდიებთან დაკავშირებით მიღებული გადაწყვეტილებები დროებითი ხასიათისაა და წინასწარ არ გაანალიზებულა მათი შედეგები და ეფექტიანობა. უფრო კონკრეტულად, მოქმედებს შემდეგი სქემები:

- ბუნებრივი გაზის საბაზროზე დაბალი ფასით მიწოდება თბოელექტროსადგურებისთვის და გაზის გამანაწილებელი კომპანიებისთვის, რათა ელექტროენერჯისა და გაზის ტარიფები უფრო ხელმისაწვდომი გახდეს საყოფაცხოვრებო მომხმარებლებისთვის. ტარიფის საბაზრო განაკვეთზე დაბალი განაკვეთით დაწესების გამო სუბსიდიის მოცულობა ყოველწლიურად 350 მილიონ ლარს აღემატება. ამას მსხვილი მომხმარებლებისთვის მეტი სარგებელი მოაქვს, ვიდრე ხელმოკლე მომხმარებლებისთვის, რომლებიც ნაკლებს მოიხმარენ.

- დღგ-გან გათავისუფლება თბოელექტროსადგურების მიერ იმპორტირებული ბუნებრივი გაზის მოხმარებისთვის. სუბსიდიის ამ სქემის გამო მთავრობა ყოველწლიურად 30 მილიონი ლარის შემოსავალს კარგავს. ეს თანხა კი შეიძლება გამოყენებული ყოფილიყო განათლების, მეცნიერების, აგრეთვე განვითარებისა და უსაფრთხოების მიზნებისთვის.

- სახელმწიფო ბიუჯეტიდან ყოველწლიურად დაახლოებით 5 მილიონი ლარი იხარჯება ყაზბეგის და დუშეთის მუნიციპალიტეტების ოჯახებისთვის ზამთრის პერიოდში უფასო გაზის მიწოდებაზე. თბილისის მუნიციპალიტეტი მუნიციპალური ბიუჯეტიდან დაახლოებით 25 მილიონ ლარს მომხმარებლების ელექტროენერჯის ვაუჩერებზე ხარჯავს. გარდა ამისა, ელექტროენერჯია⁹ უფასოდ მიწოდება სვანეთის რეგიონს. მომსახურების ხარისხი (სიმძლავრე და ძაბვა) ძალზე დაბალია, რადგან სახელმწიფო და სადისტრიბუციო კომპანია არ არიან დაინტერესებული მომსახურების გაუმჯობესებით და მეტი მოცულობის ელექტროენერჯის მიწოდებით. ეს მნიშვნელოვნად ამცირებს ხელმისაწვდომი

⁷ „გლობალური სუბსიდიების ინიციატივა“ (GSI) ყოველწლიურად მითითებებს იძლევა ენერჯეტიკულ სუბსიდიებთან დაკავშირებით — შეგიძიათ იხილოთ შემდეგ მისამართზე: <https://www.iisd.org/gsi/subsidy-types>

⁸ ეკონომიკური თანამშრომლობისა და განვითარების ორგანიზაციის მხარდაჭერით მდგრადი განვითარების საერთაშორისო ინსტიტუტმა ორგანიზაციის „მსოფლიო გამოცდილება საქართველოსთვის“ (WEG) და „გლობალური სუბსიდიის ინიციატივა“ ექსპერტების მონაწილეობით ჩაატარა საქართველოში 2015-2016 წლებში ენერჯეტიკული სუბსიდიების პირველი ინვენტარიზაცია.

⁹ სვანეთის რეგიონისთვის მიწოდებული ელექტროენერჯის რაოდენობის საჯარო წყაროებიდან გარკვევა შეუძლებელია.

ელექტროენერჯის უსასყიდლოდ მომხარების შედეგად მიღებულ სარგებელს. სუბსიდიის ეს სქემები იწვევს გაზრდილ მოხმარებას არაპროდუქტიულ სექტორში, ნაცვლად ეკონომიკური განვითარების ხელშეწყობისა.

- ელექტროენერჯია უსასყიდლოდ მიწოდება რუსეთის მიერ ოკუპირებულ აფხაზეთის რეგიონს. ამას ძნელად თუ ვუნდებთ გამიზნულ სუბსიდიას, რადგან ენერჯის შენობა რუსეთის მიერ ოკუპირებულ ტერიტორიაზეა და აფხაზეთის მოხმარების გაკონტროლება შეუძლებელია. თუმცა ფაქტია, რომ საქართველოს ცენტრალური ხელისუფლება პასუხს აგებს ჰიდროელექტროსადგურის ექსპლუატაციასა და ტექნიკურ მომსახურებაზე და რეგიონის უზრუნველყოფაზე ელექტროენერჯით. ამის შედეგად სუბსიდიის მოცულობა ყოველწლიურად 130 მილიონ ლარს აღემატება, ხოლო ელექტროენერჯის მოხმარება რეგიონში ყოველწლიურად იზრდება.¹⁰ აღნიშნულის შედეგად ზამთრის პერიოდში იქმნება ენერჯის დეფიციტი, რომელიც შემდეგ რუსეთიდან იმპორტით იფარება.
- ახალი ჰიდროელექტროსადგურების დეველოპერებისთვის გაცემული ელექტროენერჯის შესყიდვის სახელმწიფო გარანტიები 3 მილიარდ აშშ დოლარს უტოლდება, ხოლო მათი დღევანდელი ღირებულება 1 მილიარდია. შესაბამისად, სახელმწიფო ინვესტორების ნაცვლად იღებს საკუთარ თავზე ინვესტორების საბაზრო რისკებს. დეველოპერებისთვის განსაზღვრული ტარიფის დონეები ბევრად მაღალია, ვიდრე მიმდინარე საბაზრო ფასები.

აღნიშნული სუბსიდიების სქემები თავმოყრილია ქვემოთ მოცემულ ცხრილში.

სუბსიდიის სქემა	სუბსიდიის მიზანი	სუბსიდიის მოცულობა
საბაზრო ფასის მხარდაჭერა და რეგულირება, რეგულირებული ფასები, დაწესებული საბაზრო განაკვეთებზე დაბლა	ბუნებრივი გაზის მიწოდება საბაზრო ფასზე ნაკლებ ფასად თბოელექტროსადგურებისთვის და სადისტრიბუციო კომპანიებისთვის, რათა ელექტროენერჯის და გაზის ტარიფები ხელმისაწვდომი იყოს საყოფაცხოვრებო მომხმარებლებისთვის	2012 – 350 მილიონი ლარი 2013 – 314 მილიონი ლარი 2014 – 367 მილიონი ლარი
მთავრობის მიერ მიუღებელი შემოსავალი, საგადასახადო შეღავათები და სპეციალური გადასახადები, საგადასახადო ხარჯები	თბოელექტროსადგურების მოხმარების მიზნით იმპორტირებული ბუნებრივი გაზის განთავისუფლება დღგ-გან	2012 – 30 მილიონი ლარი 2013 – 22 მილიონი ლარი 2014 – 30 მილიონი ლარი
თანხების და ვალდებულებების პირდაპირი და არაპირდაპირი გადაცემა	სახელმწიფო ბიუჯეტის ხარჯვა ყაზბეგის და დუშეთის რაიონის მუნიციპალიტეტებში შემავალ ოჯახებზე ზამთარში	2012 – 4.3 მილიონი ლარი 2013 – 4.8 მილიონი ლარი 2014 – 6 მილიონი ლარი
თანხების და ვალდებულებების პირდაპირი და არაპირდაპირი გადაცემა, პირდაპირი ხარჯვა, მიზნობრივი დაფინანსება	ელექტროენერჯის ვაუჩერები მოხმარებლებისთვის თბილისის მუნიციპალიტეტში	2012 – 6.4 მილიონი ლარი 2013 – 24 მილიონი ლარი 2014 – 25 მილიონი ლარი
საქონლის ან მომსახურების მიწოდება საბაზროზე დაბალი ფასით	ელექტროენერჯის უსასყიდლოდ მიწოდება აფხაზეთისთვის	2012 – 130 მილიონი ლარი 2013 – 138 მილიონი ლარი 2014 – 160 მილიონი ლარი
სულ		2012 – 521 მილიონი ლარი 2013 – 503 მილიონი ლარი 2014 – 588 მილიონი ლარი

¹⁰ 2014-2015 წლებში ელექტროენერჯის მოხმარება აფხაზეთში 9.6%-ით გაიზარდა, „ესკო“ (ელექტროენერჯეტიკული სისტემის კომერციული ოპერატორი).

ენერგეტიკის სფეროში მთლიანი დაანგარიშებული სუბსიდიები შეადგენს ბიუჯეტის ხარჯვის დაახლოებით 6%-ს, რაც ძალზე მაღალი ციფრია.¹¹ არსებობს ენერგეტიკული სუბსიდიის სხვა სქემებიც, რომელთა სათანადოდ გაანალიზება შეუძლებელია მონაცემთა ნაკლებობის გამო.

დასკვნა

საქართველოში ენერგეტიკის სექტორში არსებული სუბსიდიები არ წარმოადგენს დაგეგმილი და კარგად გააზრებული ეკონომიკური პოლიტიკის შედეგს. ეს ასახავს სახელმწიფოს როლის მიმართ პოპულისტურ მიდგომას, რაც საბჭოთა წარსულთან უფრო მეტ შესაბამისობაშია, ვიდრე ლიბერალური დემოკრატიისა და თავისუფალი ბაზრის პრინციპებთან, რისი დამკვიდრებისკენაც საქართველო მიისწრაფის. ზოგიერთი პოლიტიკოსი სარგებელს იღებს სუბსიდიებისგან, რის გამოც მათ არ სურთ (ან არ შეუძლიათ) გაატარონ რეფორმები, რომლებიც საბოლოო ჯამში მეტ ეკონომიკურ ექვექტიანობას მოიტანს. მათ ურჩევნიან ხელოვნურად დაწიონ ენერჯის ფასები, ნაახალისონ ენერჯის არაეფექტიანი გამოყენება და ჩიხში მოაქციონ ქვეყნის ეკონომიკური განვითარება. საზოგადოებაზე სუბსიდიების უშუალო ზემოქმედება ზოგადად ნეგატიური ხასიათისაა.

გარდა ამისა, უმეტეს შემთხვევაში ენერგეტიკის სფეროში სუბსიდიები ვერ აღწევს დასახულ მიზნებს და მათი რეალური ბენეფიციარები სხვები არიან და არა ისინი, ვინც თავდაპირველად იყო გამიზნული. ხშირად სუბსიდიის სქემების დეკლარირებული ბენეფიციარები უმნიშვნელო ან სულაც უარყოფითი წმინდა სარგებელს იღებენ ამ სუბსიდიებისგან. რეალურად თანხებს სუბსიდიის სქემებისთვის ბიუჯეტიდან იღებენ და ისინი ძირითადად მდიდარ და ბიზნეს თუ ფინანსურ ჯგუფებში იყრის თავს, რითაც ღარიბებს ერთმევათ შესაძლებლობა, რომ სოციალურად უფრო მეტად ორიენტირებული სარგებელი მიიღონ იმავე ბიუჯეტიდან.

სუბსიდიები კომფორტულია პოლიტიკოსებისთვის, თუკი მათი არაეფექტიანობა და უარყოფითი ზემოქმედება ძალიან თვალსაჩინო არ გახდება. ამიტომ სახელმწიფო მოხელეებს შეიძლება არ სურდეთ, რომ განსახილველად დააყენონ საკითხი არსებული სუბსიდიების და საჯარო სიკეთის არსებული ნაკადების უფრო პროდუქტიულად და სოციალურად ორიენტირებული სახით გამოყენების შესახებ. საზოგადოების აქტიურმა წარმომადგენლებმა და სპეციალისტებმა პოლიტიკურ დღის წესრიგში უნდა წამოჭრან სუბსიდიების საკითხი.

საქართველოს ენერგოსექტორში არსებული სუბსიდიების უმრავლესობა უფრო ღრმად უნდა შეფასდეს და გაანალიზდეს. ასევე საჭიროა სუბსიდიის სქემების ადეკვატურობის და დეკლარირებული მიზნების მიღწევის გზაზე მათი ეფექტიანობის შესწავლა. სუბსიდიების უმეტესობა უნდა გაუქმდეს, რათა გაჩნდეს უფრო ეფექტიანი ეკონომიკური განვითარების შესაძლებლობა.

¹¹ სახელმწიფო ბიუჯეტი — 8 მილიარდი ლარი 2014 წელს: <http://www.mof.ge/4568>

ენერჯის და ფინანსური ნაკადების გამჭვირვალობის გაზრდა აუცილებელი პირობაა ენერგეტიკული სუბსიდიების უკეთესად გასაგებად და მათ გასაუქმებლად. ეს იქნება მნიშვნელოვანი ნაბიჯი საქართველოში ენერგოპოლიტიკის რაციონალიზაციისთვის და ევროკავშირთან გაფორმებული ასოციაციის შესახებ შეთანხმების მოთხოვნების შესრულებისთვის.

ენერგეტიკის სფეროში სუბსიდიების რეფორმას მრავალი დადებითი შედეგი შეიძლება მოჰყვეს, მათ შორის:

- ფინანსური შემოსავლები მთავრობისათვის (ფინანსური დანაზოგი ან ვალის შემცირება);
- სახელმწიფო დაფინანსების უფრო პროდუქტიული სექტორების და სოციალური მომსახურების მიმართულებით, მოსახლეობის მონყვლადი ჯგუფების საჭიროებებისთვის გამოყენება;
- ენერჯის ეკონომიური გამოყენება, ენერგოეფექტურობის და ენერგოუსაფრთხოების გაუმჯობესება.

სამოქალაქო საზოგადოებას გადამწყვეტი როლის შესრულება შეუძლია ენერგეტიკის სფეროში სუბსიდიების გამჭვირვალობის უზრუნველყოფის და მათი უარყოფითი ზემოქმედების შემცირების, ასევე ენერგეტიკული სუბსიდიების რეფორმირების პოლიტიკური მხარდაჭერის ხელშეწყობის თვალსაზრისით.

რეკომენდაციები

ევროკავშირსა და საქართველოს შორის გაფორმებული ასოციაციის შესახებ შეთანხმების მოთხოვნები კარგ შესაძლებლობას იძლევა საიმისოდ, რომ ენერგეტიკის სექტორში არსებული სუბსიდიების სქემები გადაიხედოს და შესაბამისობაში იქნეს მოყვანილი ქვეყნის ინტერესებთან და მდგრადი განვითარების მიზნებთან.

ასოციაციის შესახებ შეთანხმების 206-ე მუხლის დებულებები არ უნდა იქნეს არასერიოზულად მიღებული. ნაცვლად ზედაპირული მიდგომისა, რომელიც მხოლოდ სუბსიდიების ოფიციალურად დაფიქსირებული თანხების ანგარიშგებაში გამოიხატება, საჭიროა უფრო სიღრმისეული მიდგომა, რათა იდენტიფიცირებული და დაფიქსირებული იქნეს ფარული სუბსიდიები, რომელთა შესახებ ანგარიშგება პირდაპირ არ ხდება სახელმწიფო და საზოგადოებრივ ბიუჯეტებში.

იმისათვის, რომ საქართველოში უზრუნველყოფილი იქნეს ენერგეტიკული სუბსიდიების გამჭვირვალობა და ეფექტიანობა, რეკომენდებულია შემდეგი ნაბიჯების გადადგმა:

- ენერგოსექტორში უფრო მეტი გამჭვირვალობის ინიციატივის ფარგლებში უზრუნველყოფილი უნდა იქნეს ინფორმაციის გამჭვირვალობა ენერჯისა და ფინანსების ნაკადებთან დაკავშირებით, რათა მოხდეს სუბსიდიების შესაძლო სქემების იდენტიფიცირება;

- თითოეული იდენტიფიცირებული სუბსიდიის სქემა უფრო ღრმად უნდა იქნეს შესწავლილი, უნდა გაანალიზდეს გამიზნულ ბენეფიციარებზე მათი ზემოქმედება, მოხდეს სხვა ბენეფიციარების და არაეფექტიანად დახარჯული საჯარო თანხების იდენტიფიცირება; უნდა შეფასდეს სუბსიდიების სქემების ეფექტიანობა და მათი გაუქმების შესაძლებლობა;

- უნდა ჩატარდეს საგანმანათლებლო კამპანია და გაიზარდოს პოლიტიკურ გადამწყვეტილებათა მიმღები ინსტიტუტების (ენერჯეტიკის სამინისტრო, ფინანსთა სამინისტრო, მარეგულირებელი კომისია) და სამოქალაქო საზოგადოების ინფორმირებულობა საქართველოში ენერჯის არსებულ სუბსიდიებთან და მათ ეკონომიკურ და სოციალურ ზემოქმედებასთან, ასევე გარემოზე ზემოქმედებასთან დაკავშირებით;

- უნდა მომზადდეს რეკომენდაციები ყველაზე არაეფექტიანი ენერჯეტიკული სუბსიდიების გაუქმებასთან დაკავშირებით.

ამ დოკუმენტის ყველაზე მთავარ მიზანს წარმოადგენს დისკუსიის დაწყება მთავრობის წარმომადგენლებთან და დაინტერესებულ მხარეებთან საქართველოს ენერჯეტიკის სექტორის რეფორმირებასთან დაკავშირებით.